



霍林山人詩集卷三

嘉興吳文溥

關中州

入關九首

前山復後山莽莽山頭月古人復今人百代同為
客朔馬當風嘶征車夜中發星河落人面冰雪摧
馬骨壁立上蒼。雞鳴關影白

二巖開青穹三峯秀芙蓉俯身見落雁橫步攀蒼
龍天地多白雲忽若生虛空黃河走碧海浴日搏
桑東神州烟九點攬結衣帶中窅然游太始六合



淮清風

我行越陝州清曉望潼關西北橫大河遙見龍門
山終南散霜氣衣上峯影寒解鞍息僕馬登城眺
孱顏風雲起四塞渭洛交我前不辨阿房土惟觀
華清泉

信宿驪山下雨歇聞冰鳩虛巖韻幽籟返照明高
秋韋公蘊真處想見逍遙游泉石餘綺麗衣冠邈
巢由勝事行已矣空山我何求

九峻何巒岼汪水注其麓山風吹野色霜岫寒無
綠去鳥戀餘暉流雲動疏木當時祀唯上佳氣連

黃屋炎精殞已遙神物代相屬鬱々松柏林下有
孤兔宿立馬意蕭條秋山問樵牧

太乙下深黑雷霆駐虛空有龍宅其湫飛雨白日
中南游女媧谷北上銅人原荒岡翳叢楚古關生
墟烟山河美如此人壽速若波去々且為歡沽酒
新豐市無使明月來照我持空杯

跨馬出咸陽緩轡佇平疇清吟苑柳下迴眺陂塘
秋咲言展嘉讌漁弋陪良儔蒲且引微繳詹何颺
輕鉤素心既已諧畢景彌悠游商風忽驚算颺然
眇古愁甘泉廢馳道玉樹凋崇邱往者能幾時我

眾殊未休

藍田好山水漢陂秀蘭杜蒼然紫閣雲竚入終南
雨漠漠藤裊邨梢梢竹團團荷篠過前林歸漁聞
別浦謫此父老情為我致清醑久客憶江南興盡
非吾土

青：原上麥烏鷺自相逐我行苦朝飢藹然飽春
綠望雲陟高邱采芳下西麓念我堂前圃白華有
餘馥媿彼循陔詩徒倚迴車轂

西京詠古七首

房陵流趙虜汾水來悲風清歌動山木聽者淒心

宵金牀渺春蔓玉宇飛秋蓬美女顏如花一別難
再逢歎息達城寶不獻秦王宮邠遷聲姪跡珠玉
委昆戎古來貴異物亡國事則同朝聞鼓鐘樂算
見咸陽空

我觀劉項間皇意何所私五緯炳乾象三章宏漢
基傳檄定諸將庶幾仁者師奈何重童子踵秦螫
瘡痍咸陽燒劫盡垓下風雲悲天亡不在兵多殺
徒爾為

蕭何規未央龍首開乾象浮空雲闕來動影天河
二建章復增高神明軼莽蒼觚棱峙金雀華露流

掌挾小阿房宮僅建旗五丈

古皇躬衛符休哉九土靖靡：及三季德薄志殄
逞遐求海中島潛索汾陰鼎材官充郡縣調教徧
閭井望夷及民園骨肉同悲哽乃知妖妄興寔乎
兵獄并沙邱夜雨孤茂陵秋艸冷
汲黯社稷臣骨鯁有古質抗辭天子前長揖將軍
側一麾卧淮陽錐刀制人國未死老臣心欲言不
可得

馬上一卮酒琵琶數聲曲長城萬里月曾照蛾眉
哭中土自君恩窮燕已骨月惟餘塞艸春色惜深

宮綠

王猛負奇略中朝用不早入關佐苻秦長驅勢如
掃君臣相忼慨生死見懷抱時會苟不來英雄蟲
間老

關中覽古

秦地山河百二雄漢家傳檄定關中畱侯僅有存
韓意廣武難成佐趙功東去兒童歌故沛西來雞
犬識新豐至今樵牧長陵外松柏蕭蕭起大風

讀史偶書

九戰渡河秦甲破千人奪壁趙孤禽由來上將能

深入先以三軍必死心鉅鹿風雲寒不散并陘州
木盡長陰異時成敗同灰滅真使英雄淚滿襟

登華山

二華中天積翠開巨靈高掌懸雲臺無邊紫塞秋
風起一片黃河落以來呼吸便應通帝座登臨誰
是謫仙才蓬萊水淺崑崙小人代茫二首重回

落雁峯

黃河洗秋極太華削青金飛雁不到處白雲吹滿
襟天清玉女下日出蓮花深我欲此為宅蒼然萬
古心

抵潼關寄家書作

驅馬向秦城長塗節序驚峽雲開曉色關樹老秋
聲舊圃黃花綻高堂白髮生急書數行字遲莫寸
心傾

賈陳兩茂才自寧夏來將歸揚州賦贈

漢塞秦關竝馬來崎嶇歲月共衰頽丹楓霜冷黃
河凍白雁風高鉅峽開我識陳登淮海士誰憐賈
誼洛陽才腰纏長物惟詩卷歸去揚州亦可哀

三原夜發

長背江南夢春星滿客衣可憐楊柳月空照故園

非累歲依人活全家飽食稀老親應倚望無米亦
來歸

杜陵曲

金鞍玉勒杜陵客駐馬巫鞭望南陌楊花作雨不
涇人竹枝如烟澹暮春忽憶江南春莫好踏青湖
上多芳艸如此風光獨異鄉杜陵花月使人傷

苦暑行

高門夏含霜玉手調冰漿悠々嘉樹陰無風自清
涼喟彼行役子觸熱馳路傍委身烈日中不得弛
重裝皮骨豈獨異顧之使我傷

短歌

北走出雁門西行渡臨洮問君何所往飲馬長城
濠舊隸羽林藉新佐霍驃姚長揖請論事軍門夜
橫刀一麾入霧穴義激天為高飛鳥不敢下邊秋
氣蕭條安邊主將裂汗血諸軍勞男兒重知已慨
然生死交生死且不顧論功徒爾曹

紫驪馬二首

身騎紫驪馬獨上白龍堆天山積雪高崔嵬古來
壯士魂魄在黃金白骨同灰埃血染沙深乾不得
看風吹作胭脂色

紫騮馬蹀躞萬里何為哉崑崙積石橫地底手扶
星宿紛如埃不追落日到西極安知河水從天來
雲漠漠雪皚皚迴鞭返轡飛入塞馬頭春色桃花
開不見前年醉倒酒泉郡今年吹笛李陵臺

觀獵

霸上將軍來雞鳴壯士肅關門動鑣吹獵火焰川
陸高原抗華旂洩州飛逸足西控越長楊南馳窮
御宿腥風廟豹騰血雨狐狸哭蒼廩連白雉短弩
間長鏃觀其所擊殺始知貴神速割鮮燔野燎飲
至歸部曲仁劍山河寬春回天地綠

送李生還并州

代馬肥高秋晨霜肅枯叶聞君有遠行路途歲云
杪嗟峨雁門山詰屈羊腸道飛鴻振林薄音響隨
雲杳離思逐行塵西風不能掃

甘泉山

清晨策馬算留宿盪日看山意未盡新巖路絕披
蒙茸百道山泉挂秋目憶昔避暑五月半繞旗翠
羽森虛谷冷風飛落通天臺寒門雲霧清裴回馬
羣夜走金騂景太古玉樹高花開決潏神壇連紫
極七星北戶招搖來西京文章動主眷武皇扈從

仙才長卿麗筆未曾賦子雲藻思嗟何莫故知
此物亦有數獨向蒼崖問岐路

憶遠

玉關外青海頭葡萄一斛消鄉愁雪花如山飛不
到幕中夜著氍毹子衣羌兒擊秦箏羌女彈箜篌黃
金買歌笑白髮生高秋可惜江南好明月長照空
牀半邊闌豈無美酒金屈卮豈無玉韃青桐絲獨
飲不成歡空彈向阿誰思君夜長秋月落汝南鳴
雞聲喔喔

西征

鼓角中宵勁刁斗五月寒營門當太白壯士喜相
看鞞竿繩橋急梯崖鐵騎攢前軍恐未入橫梁驂
雕鞍

金川

將軍身著麒麟袍疾風飛騎落紫霄蠻血如花紅
洗刀雷霆一劃空其礪頗黎碗東吞葡萄壯士耳
熱心騷々將軍一咲弓弦聲蕭蕭此小醜徒燎毛歸
來飲馬金沙濤白狼朱鷺宣金鐃
皇風西被苦霧銷杜鵑紅焰燄天高

呈將軍阿公二首

東國資元老專征策上勲

宮麻看曉布院州已宵焚萬里魚鳧國三年鷺鶴

軍指麾符

廟略神速動風雲

牛尾連秦棧蛾眉轉蜀灘南人心不及西賊膽初

寒河隴威名大巴渝道路寬春天送歸騎沈申萬

人看

歸馬

金旆浸蒲桃春城待獻醪全軍緩裝束歸馬意蕭蕭

答友人荆川見寄

聞說停橈起荆門對庖牙鄧雲迷故壘楚雨漲春
沙峽險天摧蜀江空地坼巴榜人餐苦算浣女髻
高花問訊羅含宅經過庾信家承平詞賦客鄉國
未須嗟

呈馬開府

開府英雄最懸軍轉戰勞指麾先殺賊勇決遂填
濠鐵火雷燒穴瑠弧雨射旄燕犀摩玉壘宛馬浴
銀濤士氣無丘徼
皇心活爾曹快張新版籍剗削舊蓬蒿愜奏川西

洛功無隴石家一槍平蜀國六翳建秦皋關鎖桃
林險峯開運芳高轅門清鼓角衛帳肅弓刀獵騎
身超乘呼鷹臂旋條鏡歌催夜餞櫺具緩春袍偉
烈風雲上

醴恩歲月叨飛騰雙席翅激越萬六毛七十心逾
壯縱橫首獨搔書生何報國投筆急蕭騷

送畢中丞再制軍蘭州

王者今無外雄邊古有防河湟重寄閫節鉞再稟
障教歷謨猷大神明部曲望德風新偃冰表雨舊
甘棠屢試紅豔冰頻炊白麥香休聲來鄴善勤略

過燉煌月竈車書入星源道路長寧煩天馬使還
度土門霜

蒼鷹

白日走蒼氣一飛無九垓倏毛搏雪下以五灑風
來神速天為劃憑陵石欲開驅除因此物飢附莫
相猜必得英雄士方資猛利材平占咲劉表秋州
沒荆臺

老馬

憶此生駒駿追風勁骨開慣從沙苑牧不向玉門
回倏歟青冥上虛空赤電來同時三萬匹翹首絕

羣材盛壯嗟何及長鳴亦可哀橫行無用處飲斃就衰頽

題黃震畫洞庭障子

落手巴陵水蒼然老興多染蘭懷楚客滋竹見湘娥
尺地蛟龍呈晴天風雨過牆黏汀州岸慢動赤沙渦
真宰應吾訴馮夷索爾何缺花添曉重紅溼洞庭波

桃林送別

秣陵桃林客聞雞函谷關離情似風葉相送不知還

企喻歌二首

下馬書盾鼻上馬著兜牟男兒要如此雪中安可求

橫我手中刀血我身上袍決國救知己大雪度臨洮

絕域

席頭經絕域垂老得生還古者羈縻意長令中外間
織皮通瀚海良璞走昆山是物今非貴况泥寒漢關

天山

驃騎長驅勳明邊提戈斬虜此山前冠軍雄略家
何有天子非常意獲車一自居延通屬國至今高
塚為祁連幕南早見銷兵日東道盜傷對薄年

書范文正公傳後

憂樂先天下何人似范公平生經國具只在兩言
中肝膽甲兵氣威名草木風西戎身未滅遺恨颯
寒空

讀陸放翁示兒詩

三朝未死老臣年兩府和戎事可憐待到光孫家
祭日六陵春柳不勝烟

詠古二首

羽葆壽隨博士班琅玕北去射魚還空去使老江
中驛不見仙人海上山

仙掌華高露未乾秋風桂館不勝寒君王若信書
牛腹方士如何食馬肝

馬嵬

玉笛吹天上金笳動地來蛾眉仙不死帝旅橫相
摧棧雨經秋滴祠花照夜開至今思錦韞不忍踏
坡苔

瘦馬行

青絲盤珠絡幾少年乘馬多乘肥南山飢駒立霜
骨肉眼不見其驕飛昨朝牽過新豐市有客觀之
淚盈眵肥馬好看瘦難識古今相馬同相公黃金
如山徒爾求眼前有駿無人收

汪陽寓舍喜遠客至

空林落微霰暮色魚離抱有客來叩扉開戶忽已
皓冰堅馬足傷雪重羊裘老解衣念客寒秣留令
為飽賴有盈尊酒慰子萬里道移牀對斟酌卜夜
同傾倒燭短語更長酒盡糟亦好

贈七十翁二首

絕徼歸來霜滿襟嘶風老馬繫空林尊前醉把酒
孤音不解當年射虎心
誰憐七十翁著翁門掩蒼山暮景中扶杖看花思
往事不堪老病對春風

塗中春暮登樓即目

立馬衆禡外東風樹樹斜暮寒藍上雨春盡杜陵
花失路難為客登樓倍憶家不知芳州意何事亦
天涯

登雁墻

今古此雄制登臨一振衣萬山秦樹落九月塞鴻

飛天地靈秋色川原明夕暉昔賢題詠在留覽遂
忘歸

閨夜

驚心高閣夢孤枕計程還今夜江南月征人何處
山清霜流水峽黃葉下榆關妾照通秋思疑君見
玉顏

秋日涇陽北部晚步

次晚衆峰綠霜華明遠林獨行涇水上寥落故園
心對酒酌黃菊登高鳴素琴西來無此樂感激動
遐吟

立春日青門客舍思親作二首

華館張燈興未孤青門無客不提壺江南臘盡餘
寒在得辨堂前濁酒無
竹裏蓬門隔岸開門前春水白鷗來兒曹若解衰
翁意扶著雙溪看早梅

新年題客館

想見新年白髮親朝來著意憶宜春江頭探得梅
花信傳語東風早入秦

憶吳門沙文維柏傳其存歿都未得真也
歷落新詩久不聞婆娑老興劇憐君一時高士論

安道後世相知有子雲桂樹巖阿留著述桃花門
巷足耕耘西來萬里春風外無恙空山麋鹿羣

渭橋送別

送君五里復十里聽我長歌更短歌細柳驕嘶紫
騮馬飛花亂落金叵羅青山獨行路不盡白日欲
算春無多望斷河橋楊柳色異鄉分手意如何
青門觀侯生舞雙劍暗蓋都沈八丈歌

溪生匣中兩秋水飛出芙蓉亂紅紫虛堂白日走
精靈夾電穿空五人皆隻九一擲幾千里走蛟無
聲壯士死座中蒼髯七十霜滿酌金罍為生起自

言年少時頭角亦頗奇彈棋與擊劍遊戲無不知
雲門山中有老屋穆陵關南春艸綠千年猛虎射
殺之後手向前拔箭鏃朝馳燕馬問盧龍夜脫吳
鉤舞鸛鶴美人如花客如玉行、哀然間豪竹分
金呼管鮑作賦邀鄒枚肝膽時因酒邊露笑口卻
向杯中開聞道秦皇古碑在興酣獨上瑯琊臺當
時搔首隘八極未肯埋沒陲蒿萊豈知如今意蕭
瑟入蜀游秦計轉拙青門瓜落秋風多白頭看劍
當悲歌塗窮景短柰老何嗚呼塗窮景短柰老何

題顧崇麾扇圖

橫江大艦檣插天中有東吳顧彥先方冠玉帶仙
骨聳英爽風流色飛動恍見入洛傾機雲如聞南
岸奔千軍請公借我白羽扇一麾萬古無征戰

渡河吟送侯生

渴鳥下寒冰冰堅水難得壯士行渡河人馬共飢
色崢嶸歲暮心川原莽何極脫葉無近根孤鴻有
速翼相逢汪水東言返中條北追思二十年仗劍
去鄉國王官空舊廬葵蕨猶可食顧我獨留此悲
來氣填臆終南雨雪多霸上浮雲塞揮杯後何言
行矣各努力

雪霽陪幕府諸公登平臺眺終南山

臺上南山接太清嵌空晴雪露崢嶸天浮玉樹開
春苑日湧冰河照漢京一府神仙寒曳氎滿城兒
女算搗箏可憐三載青門客虛憶高堂濁酒觥

荒岡行

荒岡州青蝶弄衣鬼血紅染桃花迴花開始見土
中骨花落還悲踟躕客古人生時能幾何今我衰
古空淚多百年我亦至其處感此踟躕不能去

登北原

吁嗟乎登北原而彷徨鬱五陵之蒼々惟涇渭之

無極悲古今之茫茫不見秦阿房漢未央曲江宮
殿華清湯繁華銷歇歸山岡銅人石馬遙相望陵
陂州青松枯朽萬古行人共回首我吟梁父泣雍
門不如莧童及牧豎騎牛荷鋤越隴晦終南飛落
青雲端黃河西來瀉杯酒

述懷寄故鄉諸友

自我來關中甫作諸侯賓終南虛翠落霽雪平臺
春中丞治多暇崔嵬來如神僚佐既恬逸吟詠各
清和銀燈炷芳翰碧醕沾華茵竊承下風諄屢有
芻蕘陳直為知己故無復藏其真微才齒耆宿盛

德被賤貧忽思東歸好垂釣清江濱暑飲嚼甘蔗
秋炊芰香蓴烟霞藹多侶魚鳥情所親邈哉蘇門
意長嘯辭西秦

鄠縣早春

馬上看梅樹天涯歲又新當壚邨店女壓酒算溪
濱未解客心苦相逢滿面春為言君不醉花月咲
行人

春尋鄠縣望終南山

終南當鄠縣風物最幽森流水寫人意聞雲適鳥
心不知何路入惟見落花深紫閣遙相望蒼嶺橫

夕陰

渭橋逢陳文

藉州展邨沽飛花近酒壺看山留晚騎渡水送春
鳥暫得人情好終憐客興徂征衣不須換明日又
長途

鄠縣觀荷

烟渚誰家宅風荷動碧虛門開秋水上人語晚涼
初隔葉聞吟鴨穿花見賣魚客游戀清景愁絕似
吾廬

雲陽

旭景動林巒雲陽駐馬看天懸河勢急風挾樹聲
寒四塞關山險三渠道路難甘泉思羽翳霜氣肅
和壇

臨潼秋日送友人之并州

秋色攜人去飄然出此關關門多古樹殘照動離
顏水落茅津渡風高蒲子山南鴻將別意千里
若還

咸陽原

我意欲何適垂鞭信馬蹏山原多秀發花柳互萎
迷渭水東流急咸陽落日低青杉留樹羽馳道入

春畦

朝元閣

白鶴如能見孫子青牛何必去流沙
秋風秋雨朝元閣指點虛無是爾家

觀涇水

涇水西來挂急湍中天開關石門寒
韓人計拙秦人利不道甘泉作漢壇

銅雀臺

空餘漳水繞城隈無復曉烏上鄴臺
看取西陵平似掌有人還為摸金來

題西安黃廣文秋江卷子

先生昔作江南游江花江草牽行舟
先生歸棹載秋色滿江芙蓉留不得
聞有蘇公買酒錢更饒杜曲桑麻田
邵憶吳江秋汎好江清月落孤蓬小
苦將筆妙寫寒濤白蘋紅蓼黏秋島
不見吳生家住菰蘆東西來關塞雲
千重展面誤喜江鄉在三日坐卧空濛中

登樓

一日一登樓春風生陌頭無多楊柳色
禁得萬重愁

少宗伯錢公載奉

使祭告秦蜀文於涇陽塗次謁見賦呈長歌

紀共事以送之

侍郎錢公西入關禮崇望秋瞻金天喜見吳生話
繾綣翩然四牡驂河岸河流湍湍沙州肥九峻山
翠左右飛登車相送雲滿袖咸陽原上風吹衣我
皇至德綏隴蜀有時者嶽渟者瀆杜鵑曉春山木
香鸚鵡飛來雪中綠昆侖屈注蒲昌開平羌妥帖
連邛邛漆股雕題向化久山車銀鑾隨處有天彭
芽收飲若醑哈密瓜熟甘醴醕織皮寶毳千索駝

秦人擊筑巴人歌山河兩戒洽百禮高穹噓呵錫
靈雨更億萬歲熟禾黍願公還
朝說如此

游漢隄孫真人祠觀涇渠美葛明府晨

北山之泉來九峻蛟虬飛挂青天中真人祠古漢
隄綠靈恠著歸風滿屋迎門老祝頭髮皤試問不
知年幾何但道年來渠水足土肥穀甘老物多又
言此渠自鄴白沃野流傳天府國後此通塞難具
陳今之繼者長官昌官昔治渠鑿龍洞作使下夫
不滿古工省效速會有神豈非愷悌通天人呼童

烹泉展茗具一點一勺皆官賜乃知德澤深人心
迴与黃潦無終始所賴公等布九州徧令鹵壤成
甘晴禾麻灑灑救麥潤萬古樂歲揚清猷

七夕小病答沈二振鵬平陽寄書二首

秋色連秦晉蒼然對大河風吹故人夢日夕水增
波豈有文章著由來意氣多尺書遲遠報病嬾竟
如何

流輩滿天下負文無幾人調飢知尔素闊略見吾
真令節當孤病他鄉各憶親比來聞亦瘳詩筆更
如神

偶書二首

楊枝生楊花墮水為浮萍歲徙逐波浪漂泊東南
允復遇風水便因之迴故汀岸有枯楊枝相值兩
無情知爾乃微枝本根固所輕
皋禽失寥廓依人不疑豈無秋風意未忍遠去
茲深蒙羽儀愛得謝樊籠羈畎畝濯寒潭輝耀
神姿吹毛幸無垢洗心君不知

出關

聖世身猶賤親年夢屢驚荒雞鳴野渡疲馬越孤
城歲月衣裘薄風霜皮骨輕入關無一語書劍媿

平生

羅林山人詩集卷三

門人戴經編錄

男元棟同校



